

頤  
道  
堂  
詩  
選

頤道堂詩選卷六

錢塘 陳文述

古今體詩

將出都門留別同人

五年浪蹟客燕臺落拓心情感鳩媒著述未成揚子學治  
安深愧賈生才會無北闕書三上尙有東門酒一杯領取  
羣公珍重意泥金格葉寫蘭陔

堂堂歲月去逡巡捧檄聊因慰老親雲外竟同黃鵠舉波  
間忍學白鷗馴宦途今日登初地漁隱他年寄此身憶到  
琅嬛最惆悵利名期許負斯人

偶讀離騷感卜居升沉他日定何如功名已到傷心日山

水邊逢放眼初虛擬算經籌海島敢言史志熟河渠一端  
差勝羅昭諫近有雞林問著書

南行先向故鄉還如畫旗亭入望間二月江聲揚子渡六  
朝春色皖公山史傳循吏曾經讀政在催科恐未嫻已分  
邱遲割殘錦蒼生休戚漸相關

立春日出都諸子相送張掖門外賦此言別

張掖門前柳春風一萬條夕陽鴉背亂行子馬蹄驕花信  
歸途近萍蹤後約遙諸君珍重意握手總魂消

去去終爲別何須更一程此心同萬里再見亦三生各抱  
風雲志同懷骨肉情盧溝橋下水嗚咽帶離聲

琉璃河上曉行

殘星下茅屋屋角鳴龍雞曉寒送客行萬竅酸風嘶長橋  
瓦中渡連蜷假雖寬入耳驚奔雷蹴踏喧輪蹄斷夢續未  
得方憶忽已迷天影浸深黑夜水如激磬日氣上東海朝  
霞明天西照見遠行人一一成鳥鷺沙深水花凍不見鷺  
鴛棲

華陽臺詠古

荆卿將入秦華陽夜置酒駿馬旣剖肝美人復斷手意示  
無所惜此語殊可醜燕秦勢不敵疆域猶可守豈無頗牧  
才排戰足持久奈何祖龍暴乃使嫪毐兼之劍術疎一  
死空謝咎彼姝獨何辜截肪定及時性命輕鴻毛豈獨於  
期首

顧道堂詩選卷六

戰國爭慕士士名竟假借三千食客館七萬奸人舍偶有  
刪緱彈儘多珠履詫碌碌因人耳彌復長光價彼豈亦何  
好要結意殊詐笑彼平原君乃以美人謝美人丁未造死  
生甚可訝三復柔荑詩吾惟惜嬌蛇羸秦不慕士終爲六  
國縛

曉過趙北口

氍毹毳柳未垂條雙淀生煙澹不消霜氣欲流沙雁語疎  
星殘月十三橋

萍沱遇雪

峭風入夜嚴雨絲釀微霰警日荒雞號嘶羣馬戀散裘  
上重甲朔氣透刀箭撲面驚沙飛塞口冷雲嘯風勁鞍轉

急作雪不成片壯士心骨悲遊子性命賤萍沱橫我前寒  
流匯諸淀水花凝作冰鱗鱗白秋練豆粥幸一飽殊勝列  
鼎醺始知蒲柳姿要以風霜鍊望望燕燕亭髡柳隱遙塢  
元夕旅舍題壁並寄都中諸故人

關山浪蹟感浮名已過華年百感生匣底芙蓉秋一握夜  
寒猶作玉龍聲

簫鼓西城日暮天別來初見月輪圓有人畫壁春燈夜細  
數征程到酒邊

曉行舊縣道中

馬背微霜雁背星今宵短夢昨宵寧曉鐘有定催人別殘  
月無聲送客行絲竹華年消萬感風花陳蹟抵三生遙天

如畫增惆悵一抹魚山黛影橫

下邳是黃石公授書處

博浪亦足死祖龍匹夫之勇非英雄天意亡秦實與漢孺  
子乃遇黃石公鴻門兩龍判呼吸亞父所見將毋同玉玦  
不動玉斗碎變化卽在須臾中大智若愚勇若怯無用之  
用斯成功吁嗟乎蕭相因韓侯死藏弓烹狗等閒耳封王  
求仙竟誰是神龍見首不見尾素書之妙有如此早年不  
遇黃石公末路焉知赤松子

雪中渡淮

壓篷雲黑重難支如畫旗亭暗柳絲寂寂更無飛鳥下冥  
冥但覺去帆遲峭寒水閣知誰在薄暝江樓有所思回首

七年鴻爪印孤舟曾泊露筋祠

淮陰釣臺

投竿興帝業原是不凡才漢祖無原廟韓侯有釣臺晚涼  
羣馬浴春雨野鷗來鳴咽長淮水年年去復回

漂母祠

一飯艱難我亦愁千金言報笑韓侯英雄失路知多少漂  
母祠前野水流

袁浦放舟至廣陵舟中書所見

江南春事早土膏生意足昨夜微雪中已見草芽綠柳意  
亦溟濛空煙澹河曲扁舟淮上來春波碧于玉暖意鱗羽  
知天機隨所觸悠悠衆儻上拍拍羣鳬浴中流劃柔櫓諸



影動朝旭頻年客燕臺餘寒苦局促往往花事闌池冰猶  
澤腹玉螭亘瓊島春陰日延矚回首東華塵風輪如轉燭  
曉臥有作

淮水東來第幾程中流安穩布帆輕峭寒如水春如夢臥  
聽蓬窗掃雪聲

揚州隋文選樓呈中丞師

揚州文選樓舊說以爲梁昭明太子所居實則曹  
憲注文選之地憲江都人精選學傳弟子甚衆李  
善之學所從出也中丞師宅在文選巷卽憲故宅  
因於家廟西偏起樓五楹以祀憲及弟子魏模公  
孫羅李善魏景倩李邕許淹六人顏曰隋文選樓

以別於舊述至揚師留寓樓上因成古詩四章

世局三代變聖訓六經畢天地生文章賢達逖作述積軸  
充棟梁菁華掩蒙密蕭統賢達人積學富卷帙鑒別持謹  
嚴厥有文選出華虞流別肇劉勰品題悉所貴全體美豈  
論幾微失所以詞章學乃與經史匹

太子曰副君朝夕侍君膳出入承華閣青宮依玉殿封藩  
稽史籍縱陽朔郊甸至今讀書臺重巖出江面遺趾與寶  
書異世生春戀臺城劫灰飛湘苑寒波灑惟有文字緣能  
經兵火鍊

廣陵文選樓舊說稱昭明敞蹟所未及何以沿其名勰勰  
曹祕書隋代之經生始荆文選學注釋能專精傳授六君

子一一蜚英聲煬帝昔遊幸稱美同桓榮古巷卽遺宅地理羅圖經此樓應有屬遺趾斜陽平乃知作與述其功長相衡

吾師起淮海古人未之先詁經三百卷一一追前賢桓橋起精舍樓閣涵湖煙卜居文選巷有樓峙西偏更于家廟東高費起騰翬書額冠以隋考定名斯專樓上栗主奉樓下金石鐫從此文選學淵源垂千年

雞林道經略使印

雲臺師得古印於都門文曰雞林道經略使之印許君宗彥以新唐書通鑑冊府元龜諸書考之定爲唐印余證之舊唐書地理志及列傳蓋李謹行

薛仁貴之所佩也

天策上將神武姿電掃六合清邊陲崑陵濛池上戶籍歸  
林瀚海隨軍歷新羅之國古樂浪升韓苗裔東海涓其俗  
敬天拜日月其人好古工文詞善德貞德相繼立女國豫  
佈如皇嬋璇宮親織太平頌錦機妙奪迴文詩其西接百  
濟帶方之郡扶餘基熊津總管既受命霜岑將軍空爾爲  
其北鄰高麗對盧僞薩之所治駐蹕山前立碑石受降幕  
下開壇壝三韓惟爾最馴謹副使軍號分岵夷雞林之名  
始龍朔太尉持節兼三司國之所福在恭順天之所佑曰  
仁慈如何侵地復納叛致勞變伐驅熊羆平壤總管最英  
傑三道進討森戈鉞瓠盧河上洗兵馬七重城外環旌旗

同時經略者誰子左右犄角皆虎貔其一李謹行燕山名將絕域知其一薛仁貴天山三箭英聲馳唐書紀傳互詳略設官應在咸亨時此印當年孰先佩想見虎帳蟠蛟螭唐家威德邁前古吐蕃回紇咸羈縻破高昌者侯君集擒頡利者李藥師走突厥者張仁亶定勃律者高仙芝劉師立旣招黨項郭孝恪亦平焉耆五國入貢定天竺四鎮平列安龜茲郡王金冊錫青海都督鐵券鐫瑤池功名遠過漢衛霍河源西去通條支畱此一印重球璧凌煙弓劒想見之此道經略本薨置不是嶺南五府之所遺摩挲古物三歎息英雄建樹各有期案頭何物竝鑒古唐蕃將相聯盟碑

飛霜鏡引和中丞師卽用原韻

原序云眞子飛霜鏡逕今尺五寸七分體圓外作  
八瓣菱花形背白如水銀左方四竹三筍一人披  
衣坐狻置琴於膝前有几几置短劍二鑑一又一  
物不可辨右方一鳳立於石二樹正圓如帶形下  
方爲池池中一蓮葉葉上一龜龜值鏡之中虛其  
足下卽爲鏡之背鈕也上方有山雲銜半月形月  
中有顧兔形雲下作田格格中四正字曰眞子飛  
霜眞子者鼓琴之人飛霜其操名也余審此爲晉  
鏡何以知之以書畫之體知之也書非篆隸晉以  
後體也畫樹直立圓形如帶畫月內加兔此晉人

法也余曾見唐人摹顧愷之洛神賦圖樹形與此同且畫太陽升朝霞句日中有陽鳥實同此形矣眞子飛霜於書無所考見余以意推之或卽晉戴逵耶晉書逵本傳云逵能鼓琴工書畫其餘巧藝靡不畢綜師事術士范宣子豫章宋書戴仲若傳云漢始有佛像形制未工戴逵實善其事据此二史則善鼓琴善書畫善鑄銅師術士逵一人實兼綜之則眞子將毋卽逵也錢博士堦云古人制器原欲以流傳後世使其人不作此鏡則湮沒無聞矣故好事好名之徒今亦不如古掾博士此言眞子若非戴逵微此鏡則眞子無傳矣爲逵鏡可寶

非遠鏡尤可寶也

鳳城夜冷霜華高。翦燈讀史悲前朝。一函遠寄眞子鏡。菱  
花葉葉紛周遭。鏡背何所有。有人坐彈琴。一彈再三歎。廣  
陵散後誰知音。上有竹林下有池。池中蓮花開何時。不見  
蓮花見蓮葉。田田一角巢神龜。其上何所有。雙樹彷彿青  
桐枝。其下一鳳悄不飛。弄玉待爾揚修眉。雲中半月皎如  
玉。中有顧兔來相窺。琴中心事誰解道。作者沈憂託諸巧。  
不是琅嬛論古精。誰知眞子藏名好。眞子無名復有名。晉  
書晉書傳其情。飛霜一操聲激楚。石上寶劍寒潭明。寒潭  
映秋月。莫邪干將幾回缺。復有金博山。一氣雙煙裊不絕。  
昔有孝子分嗟無歸後。園廬霜兮愛戀春。暉寄絲桐兮終



古風蕭蕭分單衣愍懷之禍始節愍殷鑒不遠家之肥琴  
中莫怨履霜履鏡中莫照飛霜飛

原作

阮元

五更曉月江天高匣中寶鏡悲六朝鏡如霜月月如鏡  
人間天上常相遭鏡中何所有眞子坐彈琴琴中何所  
有必是變徵清商音竹筍出林蓮出池眞子當坐春夏  
時一彈天池有秋氣蓮葉慘澹遊神龜再彈長空轉寒  
月鳳凰夜叫雙梧枝三彈四彈清霜飛素娥青女翠蛾  
眉菱花內有古人面懔然冷逼誰敢窺剡溪高人戴安  
道作畫筍銅盡工巧或是王門破琴後幽凍三商眞大  
好又疑眞子原無名以鏡寫神琴寫情霜華落指看不

見惟見鏡臺秋月明秋月復秋月千年磨不缺負局聽  
琴聲琴聲久消絕琴聲絕兮眞子歸劍沉秋水兮鏡滿  
春暉掛高堂兮曜日懸池館兮照衣春蠶吐絲七絃溼  
新篁解籜桐葉肥繁星徹夜早霞暖何處寒霜背月飛  
自北門至雷塘訪雞臺迷樓玉鉤斜遺趾

夾城零落寶城荒春草殘基半夕陽斷礎和煙埋月觀板  
橋流水咽雷塘美人從古悲黃土帝子于今賸白楊如此  
繁華竟消歇更無水調怨興亡

### 鴛鴦塘

塘水碧於玉洗紗人未歸西風落蓮子日暮一雙飛  
近觀音閣百餘步地勢平徹其下絕壁如削類古宮

殿基疑卽迷樓故址也

應是迷樓最上層昔年欄檻定飛騰  
空閒舊苑成高顯又見新圖進項昇  
垂柳宮腰當日舞如花殿腳幾人登  
一編曾讀顏家記翠冷香消怨廣陵

玉鉤斜

渺渺雷塘路迢迢邗水涯誰憐二分月  
曾照六宮花憶昔迷樓築還聞寶帳奢  
修眉濃染黛纖臂豔封紗水調催箏笛  
新聲寫琵琶有情眸損鳳無賴鬢添鴉  
綠綺愁仙嬪紅梁怨麗華雨雲前事杳  
金粉斷魂賒春夢銷銅輦秋墳葬錦沙  
重來塵一片不辨徑三叉楊柳空留影  
靡蕪漸吐芽  
雞臺殘趾在瑩苑廢垣遮衰草棲寒  
蟋荒原竄亂廢化爲

黃土屑散作碧天霞瓜步沉兵氣蕪城失帝家夜鳥聽不  
得啼煞玉鉤斜

雞臺曲

萬弩橫飛雨南來戰士雄白頭歸敵國一死惜吳公  
劒血燕脂冷青溪怨麗華精靈應不死還唱後庭花

蜀阜寺吳大帝戰鼓和胡稚威石笥山房集中作

蜀阜寺中十圍之戰鼓乃是黃龍赤烏年所畱論交頗愛  
魯子敬生子更思孫仲謀孝廉初襲父兄業六州形勝臨  
江流初平李術毀堅堞三征黃祖橫方舟合肥斷橋駿馬  
逸濡須築鴈戰士遁赤壁之戰更豪邁油船一炬飄煙燭  
八十萬人作枯燼從此鼎足分曹劉想見急鼓親櫟陳靈

夔時時驚援枹在昔破虜始荆業赤幘照耀黃巾愁西討  
董卓潰壘壘南征劉表交縱矛更聞討逆早繼霸猗兒猛  
卻干貔貅壽春伸義絕袁術曲阿振武驅劉繇豈知仲也  
亦英傑慶亭射虎便騅駟巴蜀結援抗大敵許都迎駕追  
前籌未必遂遜曹子桓何事遽學劉荆州屈身鄴下受九  
錫任子責貢將誰尤素書典論遠拜賜明珠大貝恣取求  
泣盟已媿匹辛毗獻書更勞託浩周蔡乘楚車書失位此  
例自昔嚴春秋名分已定更何說何況明鑑騂馬圖子裴  
臣魏拒蜀計太拙反釋婚媾成仇讎後來盟書割兩谷江  
水不洗降王羞暮氣老昏學秦政萬人浮海求宜洲張彌  
賀達去不返金寶終爲遼東收聞樊取租竭兵力天塹所

限成鴻溝此鼓棄置定無用祇合郡縣供譙樓何年隄口  
出潛通積環剝落餘殘髹當年燬兵定何所沿江戰骨盈  
荒邱臨平石鼓扣桐木越駱銅鼓來壺頭軒皇桐鼓此舊  
式何人單綬兼岑卒老臥僧寮伴粥飯劫灰飛盡銷恩仇  
更有蒲牢作龍吼雲外一杵鏗清幽

紅橋小泊落梅紛然感而有作

沾衣拂袖總徘徊二月江城唱落梅貼扇好憑纖手拾寄  
詩應識畫眉才經旬苦向金樽憶前夕曾勞玉筵催恐是  
美人心一片隨風千里遠飛來

十三樓

春風人在古揚州玉局新詞憶舊遊滿地月明歌吹歇更

無人上十三樓

瓊花篇過潘旌觀作

春風滿城紅袖來昔人曾見瓊花開夕陽滿地青苔薄今  
人不見瓊花落花開花落知幾時十宮芳草埋蛾眉唐昌  
玉蕊暗無色李花也逐楊花飛石闌紅溼燕支露玉鉤洞  
天渺何處瓊花從古號無雙不羨南朝歌玉樹

蕭梁公主祠

鳳去秦臺更不歸  
鮮痕滿地落梅肥  
晚陰疎磬深瑤帳暮  
雨靈香溼羽衣  
花月南朝殘局盡  
滿湖東苑故宮非  
蕭家遺事何堪問  
出地雲容玉雁飛

近蘭陵人穴地得古  
棺蓋蕭梁宮額也

夢中聞櫓聲以爲雁也得細雨溼吳天  
五字因足成

之

細雨淫吳天春寒到客船一聲柔櫓響新雁墮江煙

聞臺灣警有懷默齋閩中並寄素山

一髮南溟外澎湖對廈門樓船下荀抗海道阻孫恩飛雨  
鯢身暗愁雲鹿耳昏十年先烈在將略要重論

枚叔文章捷今之草檄才譚兵能畫地作賦愛登臺落魄  
青衫淚銷魂絳蠟灰無人解憐汝春雨望歸來

蘭陵道中風雨

寒雲壓蓬澤不飛東南風急吹人衣雨絲不斷楊聲重春  
波綠漲河流肥河流入江勢東下辛苦篙師舵難把不知  
我舟退若鷁但覺來船捷下馬蓬窗獨酌中心愁有人天



際遲歸舟封姨何事太作虐不信此風稱石尤酒醒今宵  
何處泊望中煙樹蘭陵郭抱郭人家好畫樓已有紅燈出  
水閣

### 蘭陵花

蘭陵花哀孝女也無錫楊氏女親老不嫁制胡絨  
花售之以給朝夕親喪哀毀以死過而弔之以待  
採風者錄焉

蘭陵花花非花胡絨作花比花好製自蘭陵孝女家孝女  
如花好顏色盛年十五又二十作花場米養老親繼手春  
風無氣力並帶花枝燈嬌宛孝女當年曾不嫁養親事畢  
孝女死花樣流傳半紅紫至今蘭陵賣花人衣花食花孝

女恩誰家兒女見花笑戴女花枝學女孝

闌干

闌干四百畫橋通春縠平流倒影紅柔櫓半隨花片下成  
樓多在柳絲中雲痕尙漬三更雨寒氣微銷二月風久厭  
六街塵土味歸舟領略到空濛

羅浮道士古琴歌

羅浮道士梅花客梅花爲魂月爲魄一琴流落二百年彈  
入商聲天地碧枯桐三尺誰所治血淚染作朱絃絲海棠  
雲暗杜鵑泣滄桑心事琴知之早年已效唐衢哭賈島何  
年返初服西華詩成作塞修將軍小妹顏如玉玉女峯頭  
秋月明明妃墓上春草生南琴北琴江水闊古調抑鬱皆

雙聲生來豔福竝奇絕香東墨西好顏色竹稱才子更何  
人宰相女孫貌傾國翰林弔古悲忠臣雁門送客嗟何人  
錦囊三尺裏寒玉歸來未母萱花春秦雲忽散碎寒痛定  
情曲斷遊仙夢石室空尋毛女家草堂何處秦人洞吁嗟  
乎勝國未造遺民多離騷哀怨悲湘娥亭林老輩最感激  
魂歸朱鳥悲山阿南海鄺生亦如此西走蠻天幾千里一  
生知己綠綺臺碧血淒涼抱琴死道人家住梅花邨浮江  
南下尋湘沅一琴畱得其生死懷沙心事同靈均紀年猶  
勒崇禎字多少蒼涼舊京事西臺有物堪竝傳沙社詩人  
竹如意

題家樹齋軍門大川賜詩樓紀年錄

將門出將重前勳忠愍家風海內聞西晉史傳羊太傅南  
朝人愛謝將軍籌邊武帳聽蠻雨橫海樓船識陣雲小劫  
龍華回首憶一編珍重護靈芸

八州作督舊登壇豈料霜飛六月寒鐵案山高臣罪重玉  
關天遠主恩寬人情幻似秦雲薄世路艱于蜀道難骨  
肉飄零身命賤不堪痛定倍辛酸

曾是先皇侍從臣攀髯一慟泣龍鱗聖明久燭重淵  
暗天語能迴小草春報國久懷投筆願從戎原是受  
恩身祇餘一事中心歉不死沙場志未伸

十年前雪沐天波紹略傳家又授戈蒼壁重新輝日月  
彤弓依舊舊山河軍垣爭識周公瑾部曲仍思馬伏波莫

作尋常鴻雪看孤臣血淚此中多

爲湖道中見杏花知春深矣感賦一律

十年舊夢玉驄知二月江南見一枝薄暝畫樓人去後輕  
寒水閣燕來時幾番失意青衫淚往事銷魂豔體詩今日  
鴛鴦湖畔路春紅依舊雨絲絲

唐樓舟中讀頻伽靈芬館詩卽效其體

學詩逾十年作詩愛三君楊子旣同調

蓉裳

查老殊出羣

伯葵

郭生乃更好蹟疎情頗親詩集來長安束素殊元纁

翦燈中夜讀讀久忘宵分憶昨輩下別查老殊殷勤評本  
寬脫贈意比珠玉珍舟車不暫釋藉作椒蘭蕝深情耐久  
諷豈特張吾軍丹黃已百遍口舌皆靈芬今朝正寒食客

舫湖之濱桃紅李能白夾岸花繽紛青山出樹杪亦似延  
歸人去家一舍近始覺歸心殷封娘故作片輕寒勒餘春  
順風送來舫哨帆騎可噴生平退飛鶴到此猶逡巡時還  
讀君詩天光照船唇君詩本騷雅醞釀歸深醇淡若秋夜  
月閒比春天雲清微不可覓一水波云云友朋骨肉閒百  
偽消一真嗜酒意有託水閣嬌羅裝殊軌乃合轍至味同  
酸辛微吟扣舷語那顧鄰船聞春浪正打船雨絲溼流紋  
彌復憶二子京洛方縉塵君行定何處畫舫春波新篴中  
學士書欲寄遲魚鱗

和作

郭 塵

縹緲海上山綽約雲中君騏驎有逸足鸞鶴無卑羣平

生文字契世外骨肉親甘釀八月耐涂滹三入纒因緣  
袂重把記憶手乍分當時謂落落別後殊勤勤始從琅  
嬛館得識圭璧珍參語見伯仲

謂曼生

一器無齷齪佳人

白絕代歸子原冠軍瑤花異凡豔珠睡皆奇芬沁人詠  
漢廣勞者歌汝濱契闊十年久蕉萃百慮紛風塵入遠  
夢京洛遲歸人書憑去羅寄意與閒瀟殷藏身桂玉國  
失意櫻桃春甘從百衲後聊免羣兒嗤官人皖江去使  
者河隄巡許陳賈讓爽登藉若卿驛江南號佳麗水味  
皆清醇逢人半舊雨出岫如還雲鄉園見了了江湖通  
云云承歡人子羨此樂天倫真高堂雙鶴疑小婦百蝶  
帶雨行官燭繁七種春繁辛作吏良不惡故人還相聞

譬如布一尺敢較繡五紋居然見推讓此道久埃塵感  
舊忽覩縷報章慙清新詩成月豔豔酒暖波鱗鱗

### 到家

老親喜極翻垂涕遊子今朝竟到家連日有人貽酒榼昨  
宵猶是卜燈花話殘楚雨三更夢添得吳霜兩鬢華珍重  
慈心還慰藉不教浪蹟悔天涯

### 片兒年十三解爲韻語作此示之

汝父年廿六始遇淮南公一見許國士謂我殊不庸問字  
根環館祕書授紫邑餘事論詩派雅頌及國風源流二千  
載昭曠始發矇頤年走南北屹屹勤三冬卽今集中詩頗  
得醞釀功今汝年甫半已解箋魚蟲四聲雖能辨雜體猶



未工燈前乞詩法意匠殊玲瓏願汝先治經次以史籍充  
爲文貴根柢莫愛春華稷學問惟一勤積久神自通學詩  
亦復好原本孝與忠文章與名節望汝昌吾宗門業論繼  
德勿更慚乃翁

掃仲弟諱蘇墓並示季弟謙谷

去日猶爲別今朝又到家墓門餘宿草池館失荆花冷食  
施齋飢飛灰散莫鴉年年寒食節爲汝哭天涯  
到眼眞如此回頭盡可悲已經成小傳媿未刻遺詩黯淡  
由千疊零星酒一卮淚痕歸更拭怕教老親知  
玉樹憐予季中間限一株風高秋斷雁霜落夜啼烏媿我  
座客照憐君瘦腊枯盤書定珍重勒與訓遺孤

石屋洞

曉夢入山雨意外經石屋一徑踏煙蘿軒然敞虛谷石脈  
引水氣倒上緣背腹坐久間滴瀝泉小不成瀑肥苔厚如  
菌屋頂聚濃綠小別二十年舊遊仍在目惟覺階下松蒼  
煙作喬木山僧烹茗茗泉味淡於玉深洞納歸雲恐有神  
龍宿

登望湖樓有懷雲臺師廣陵

東風吹散綠楊煙斜日登樓意灑然四面青山明鏡裏一  
湖春水畫閣前白蘇高詠畱蹤蹟吳越看經閱歲年地卽吳越  
看經樓遺址應是瓊姬遊讌地揚州明月幾回圓

白公祠

西湖流水孤山樹是公當日勾留處樓閣參差倚夕陽  
叢祠又建錢塘路門前翠黛雙蛾翠門外流水嬌羅袞神  
絃夜奏不寂寞白祠正與蘇公鄰香山玉局共千載元祐  
孤臣更淮海文章氣節鎮千秋各有精靈古今在長慶詩  
格家家傳古時明月今猶圓柳湖松島接咫尺君恩豈止  
畱三年石雨牖邊浪花白蓮花寺前春水碧綠陽陰裏舊  
沙隄畱得當年馬蹄蹟水榭臨波採白蘋玉梅花片點魚  
鱗與公墮地生同日更憶年來治浙人

謝阮雲  
臺中丞

瀛舟

清香森畫戟曾許坐瀛舟潮海橫經算商兵借箸籌飛鴻  
迷舊蹟巢燕話春愁正憶當年事偏爲此地遊

小榭如仙舫何年舊額移闌干紅曲曲煙柳碧絲絲上水  
虛增感收帆未有期還將行役意寄與白鷗知

重過曼雲吟館

舊時芳樹已成林華屋重來感不禁燭影有花催草檄酒  
痕如夢賦題襟鴻飛白雪前塵杳鶴步蒼苔故蹟深最憶  
西窗風雨夜經年聯榻弟兄心

天馬山謁孫文靖公墓並寄令孫古雲襲伯都下

墓門再拜肅征袍坐對錢江日暮濤出塞未能隨虎帳傳  
家曾得讀龍韻石麟草長埋銅節天馬雲深起佩刀寄語  
文孫好相慰松楸無恙 御碑高

孫氏閨湖樓同方稚回坐雨小酌

斷霞銜落日殘雨溼孤煙生意同魚上春愁在燕前靜餘  
詩外味閒入畫中禪記取閒樽地高樓薄暮天

燈下與稚同論駢體文

生才如牛毛其成若麟角箚哉次回生今日之鸞鸞胸襟  
淡冰雪睡咳霏珠玉問年纔逾冠皎皎日初旭家貧學彌  
富積書堆滿屋詩筆妙天授鉛筆厲金鏃蒼秀希嘉州芳  
腴取玉屑駢體文尤工精心出杼軸矯然異流輩學古不  
嫌獨我思文有體經史不同幅鄒枚前導軌任沈後扶轂  
昭明選樓高萬古列炳燭六朝漸流行四傑亦繁縟兩宋  
敝斯極儷語悅耳目於今逾千禩古調久不復國朝諸  
名輩才藻空炫鬻迦陵負盛名一例窘邊幅隨閣較變化

縱筆乏含蓄作者盛今日名手出嶽嶽我愛胡稚威石笥  
書在腹斯文若元氣伯仲曹與陸我識洪太史萬卷貯胸  
腹健筆追古人此才可一斛琅嬛阮夫子著書富七錄此  
體最所工矜慎泝其俶三家卓然竝我輩之先覺近得查  
孝廉稽古嗜尤酷經年雲閣住得失互商榷締構出心匠  
鍾鍊運雕琢每當一藝成古味盎可掬同輩諸名手更有  
彭甘亭與樂蓮裳雖未見全豹一斑亦頗足生昔從我遊  
孰經坐西塾六載不相見草堂夢春綠豈知乃大好瓊玖  
已離璞一日昔所長所得更相屬辨體必矜嚴鍊格必靜  
穆選材必騷雅措辭必簡樸此事有根柢經史竟須讀諸  
子匯淵源百家等稍稊讀書貴識字訓詁辨雅俗不觀揚

馬輩蒼雅精小學食古貴能化若采中原菽聽音貴自然  
若鼓空山筳氣息與結構譬若蘂與麴水清淡亦腴梅老  
疎更馥以此近古人十乃得五六辛苦成一家庶幾堪卓  
犖自今更勉旃勵子還自昂

西湖昭慶寺觀四明女子金星月繡佛幢歌

星月鄴女適某多凝疾兒女成行矣以疑出之訟  
不勝悔而迎歸女終無以自明乃長齋樓居閱十  
二寒暑繡五百應真歡門供西湖昭慶寺徧禮湖  
上招提而歸一日偕其弟登鄴之某山絕頂山下  
臨大海濤瀾不測女慷慨與弟訣別寄聲歸謝父  
母踊身蹈海而死挽之已無極矣後母家聞婢媼

言其死志已久蹈海之日中衣縫紉甚固嗟乎使  
非中有大不得已者豈甘湛身洪波而不悔耶碎  
玉明心沉珠抱怨薄命若此是可哀已此題作者  
甚多或以爲接近與同邑人言始悉其詳嗟傾國  
之難逢悼遇人之不淑因爲此篇

湖山金碧蕭家寺香臺風颺花旗麗一片華鬢怨女心題  
名不署鴛鴦字四明山色映明姿金母池邊第一枝長日  
綠窗繡繡譜銀錢堂下理紅絲十三年紀眞嬌小紫燕釵  
長簪鬢盡拋得溫家玉鏡臺鴟鳥爲媒知不好銀燭光中  
夜漏長雙棲燕子在雕梁定情初夕零星語卻扇筵前夜  
未央薰香袖手嬌羅綺不數江東比肩里眼前兒女榮成



行鄉里恩情十年矣無端疑疾意如何怕聽尊前栲栳歌  
不信貽書秦士會更無悔過賢連波九州一錯何年鑄下  
堂不惜媼姪夫神明賴有使君賢強教璧月還如故一樣  
頭銜署使君誰知世事轉風輪翻將惜玉憐香意甘作焚  
琴煮鶴人五花判事眞堪怪新人似玉嬌眉黛宋公已見  
爽精嫌姬姜空自悲菅蒯其奈嬋娟怨易深甘拚身學楚  
纍沈神香願證前身果江水難明此日心長齋自此塵緣  
斷稽首慈雲立宏願不是西方象教慈難消南國蛾眉怨  
坐臥相依織女機紅樓長閉燕空歸買將五色吳綾綫典  
盡香閨舊嫁衣葉落鶯啼春復秋匆匆轉眼一星周鼎眞  
五百毫端現法界三千腕底收琳宮一夕輝生壁布旒願

仗空王力贏得傾城士女觀具經蓮像無顏色此身自信  
玉無瑕禮徧名山返鈿車繡佛功成塵夢畢離憂心事賦  
懷沙招寶山高接海門登臨也覺盪心魂悲啼別有無窮  
意見女深情父母恩迴身彷彿驚鴻瞥腐衣十幅羅袈裂  
寒濤落日咽無聲珠沉玉碎紅顏絕金谷香消怨綠珠傳  
來消息滿江湖不知此日狂夫意薄倖肝腸也悔無我聞  
此語最淒然比較嬀娥倍可憐世外曾無善知識人間眞  
有惡姻緣鍼神繡女空明慧絲絲盡是傷心淚一樣孤臣  
孽子悲千秋駭女癡兒識宿業誰參問覺經異聞應補妝  
臺記莊幢梵宇佛煙飄入月奔星總寂寥一曲招魂歌小  
海不爲雲雨定爲潮

宿方芭堂次回湖上草堂晚步隄上玩月

繁星影漸疎餘霞黯已沒晚飯殘燭盡開門滿湖月湖波  
澈底明清光灑肌骨遠岫隔煙霧近嶂出林樾空翠化涼  
煙有無意恍忽鐘聲雲外來餘音圓未歇六年客京華不  
挂西山笏月華散庭階客感起突兀鄉夢逐歸鳥飛墮湖  
山窟故鄉忽已至對此清興發踏影過湖隄高林隱雙闕  
何處長蓬聲驚起浮圖鶴

湖上曉起

暮踏湖上月夜歸湖上煙煙光與月色伴我虛堂暖京洛  
緇塵此中洗夢入湖南煙月裏曉鴉啼急催人起落月在  
天煙在水

交蘆菴觀阮夫子所書詩卷

茆菴水中央四圍更無地柴門逐水開遠峯菴山翠老梅  
殊似蹇僊臥古苔膩虛堂颺風幡佛煙淡忘味老僧去不  
歸誰識交蘆義一卷琅嬛書披襟讀松吹回首廣陵潮日  
落煙江逝

秋雪操過秋雪菴作

秋雪菴有小閣正對蘆田僧言蘆作花時一白如  
雪西風乍起則蘆雪四飛掩映夕陽中天花六出  
無此妙也因憶錢金粟集中有秋雪操輒爲和之

山僧種蘆田水自潔春蘆漸雲秋蘆釀雪

解一碧流交槩蘆

葉開合涼雨欲來菰蒲相答

解二美人晚嫁壯士遠遊繁霜

乍零蘆花始秋三空山無人秋雪自飛援琴再彈西風吹

衣四解

附錄

錢林

晴雪霏霏空山翠微幽人小舫載鶴將歸弦月未上梅  
花似非茫茫遠路忽此單衣

曲水菴

溪雨團溼雲寺門迴水曲密樹影闌干澄波鏡秋玉一鷺  
破煙飛曉起衆山綠

花鳴

仄徑轉西曲萬花深一鷗樹光團曉煙竹露滴微雨人家  
焙茶香吹出雲幾纓門前綠水迴屋角青山補落紅隨風

來幽禽啼日午微聞板橋外隱隱答柔櫓

鴈焚樹墓

古月幽花筆一枝此才應不讓微之西冷煙雨銷魂地南  
渡樓臺絕妙詞紅豆易迷山鬼夢白蘋誰薦水仙祠茗姬  
埋玉憐同穴擬種寒梅與賦詩

張氏廢莊觀壁間畫松歌

門外柔桑影春碧菜花黃擁奇礪石百年池館盡荒蕪猶  
牘當時畫松壁一株特立兩相向天矯輪囷非一狀分明  
相去不咫尺疑入陰崖隔層嶂一燈三株一四株著手都  
覺煙模糊就中一榦直不迂勁勢欲上青天孤其餘數榦  
竝奇絕入耳疑有風濤驅我昔振衣登岱宗坐吹鐵笛騎

順道堂詩選卷六

蒼龍萬松鋪翠蔽日月避雨不數黍是封又嘗出塞經烏  
灤松州古境羣峯巒後凋葉落別種類六月騎馬陰風寒  
虛堂誰此弄狡獪四壁陰森暈煙靄得卧畢宏草偃重出  
世潑墨驅煙走靈怪野人譎語殊可疑黃落云驗深秋時  
丹青竟能奪造化豈有張皞生枯枝過眼繁華春水逝居  
人猶說尙書第一株綠萼今亦無何況樓臺與佳麗華屋  
本爲尙書開尙書當日曾未來橫雲山色回泚水庭柯亦  
復餘蒼苔爲爾盤桓遲日暮意中各有眞松樹雷雨中宵  
定憶君破壁飛騰化龍去

蘆葉

擇樹繫孤蓬尋溪蕩短楫白鷗何事忙低飛翅相接不見

蘆中人沿流拾蘆葉

客都下者六載到家未及兩旬卽赴皖江書此志感  
風裏飛花水上萍迴腸輪轉未曾停關山歸後江湖去始  
信前身是客星

桐船行弔胡節愼

將軍名振聲閩人官浙江溫州鎮水師總兵所乘  
戰艦以桐木爲之輕捷異於他舟每出海常爲諸  
將先海寇望而畏之歲甲子將軍以閩省例解軍  
工版木植久不至自率偏師往視之至則大府檄  
赴臺灣捕某寇以閩副總兵某爲之援不聽出令  
寇舟百餘艘方匿某島中將軍舟先至誤入被圍



不得出援師不進自未至西戰數十合舟中二百  
餘人殲焉將軍負重傷賊扶之去勸之降且爲治  
創將軍痛嘗求死不得乃不食且抉其傷而死賊  
投其屍於海事聞詔加提督銜蔭一子將軍之  
母賢母也每出獲寇則喜否則不許入見故將軍  
於海上屢殲寇卒以死勤事將軍之奉大府檄也  
知勢不敵乃致書浙中丞阮公言此行恐不得生  
還重洋間隔若爲蜚語所中則身名益裂矣蓋不  
特森然大節早已素定而卓識遠見知逃罪者必  
誣之爲卸過地也何其明與將軍之死也舍弟謙  
谷方客溫州所聞得其詳蓬窗多暇爲述所聞因

次其事以弔之

龍門之樹高百尺柯如青銅根如石造爲百丈橫海舟水  
底蛟龍皆辟易樓船威望胡將軍意氣激蕩凌風雲伏波  
下瀨等閒耳一舟突兀如營屯同時孫全李長皆健者將  
軍當之何居下風濤沾滲壁壘嚴海上走船如走馬頻年  
海道多烽煙孫恩竟欲稱水仙列鎮星羅克期哨桐船每  
爲諸軍先檣艣精嚴旗鼓勁所向成功握全勝賊中望見  
桐船來爭棄弓刀乞殘命聞海門戶橫鯢鯨小醜竊發思  
逞兵諸將束手不敢捕大府獨檄桐船行將軍偏師在中  
路此行非爲出師去國事豈何分畛域丹忱激發顏  
怒修我矛戟呼同仇衆寡主客選所籌孤軍深入後無繼

西傾一柱天爲愁，銅角吹殘陣雲黑。不見桐船海門入，風雨年年作怒潮。暮雨靈旗鬼雄泣，君不見眞州侍郎開府來籌海。韜略非凡才，將軍貽書示必死。桐船南望中心哀，又不見庭訓森嚴國恩報。將軍之死由母教，穹碑突兀表崇祠。千秋大節留忠孝。

### 江南第一琵琶歌

山塘七里嬌春花，開徧吳城三百家。國色如花手如玉，家家兒女彈琵琶。琵琶吳中琵琶誰有名，杜家小女殊娉婷。容華窈窕若桃李，四條絃上多新聲。一聲兩聲初有情，隔花宛轉調流鶯。三聲四聲聲漸急，千聲百聲指尖出。大絃急迸聲嘈嘈，小絃錯落馳奔奔。濤兩聲入陣勇無敵，就中誰是高

敖曹壯遊憶厯飛狐口夕陽繫馬關門柳燕支山下玉帳  
寒十五天姬舞垂手卽今海道多烽煙危城羽檄催戈船  
伏波下瀨爾何事將軍五道來禱連猛士赴敵海氣暗澎  
湖關外波連天鯢身浴血鹿耳折此聲一一絃中傳聽殘  
激楚再三歎餘音還作流珠圓四座無人語寂瀟湘歸  
雁吳天碧研花樓外紅闌干花氣濛濛春月白邇茲絕調  
無與論妙伎不數康昆侖綠雲小閣夜閒讌絕調與爾同  
銷魂銷魂領取尊前意如此嬋娟良不易簪花小影乞題  
詩中有微詞傳木事落花微雨正江南怕說輕舟便解帆  
水閣吳娘斂紅袖江州司馬溼青衫

月夜遊惠山

曉從金闕發暮就梁溪泊一片青山影已向蓬窗落秉燭  
邀夜遊佳客不須約淡雲鑑微月天影青漠漠皎若絕世  
姝低鬟隱簾箔綠樹背畫樓垂藤古花絡誰家夜不眠遠  
聲出西閣古寺虛無人塵心銷寂寞微聞山風來松子打  
簷鐸何夜無月明此夕足可樂不羨赤壁遊橫江送孤鶴  
倚枕夢不成泉聲響寒壑

### 曉過秦園

十年夢秦園相思不可見今番打槳來流盼及春晏碧檻  
澄清波衆影熱意舊綠陰夾水流中有落花片青山如麗  
人曉妝盛容嬌絕代窈窕姿背向鏡中見人影度寒橋和  
風澹如扇微聞幽澗泉石腹珍珠灑蹠足踏蒼苔飣餠花

枝骨花叢亂數蝶柳陰涼雙燕牆外九龍山空翠落庭院  
深松隱白雲白向青山懸

### 竹鑑山房

朽麥飛白蛾枯藤竄蒼鼠石磴支莓苔一院松花雨不見  
煎茶人風泉自相語

唐孝女畫

名素字素波乾隆  
中詔旌貞孝

君不見唐孝女家在惠山之麓梁溪之濱一生不識執與  
綺但知父母兄弟相居處一家十指工丹青女也學之鉤  
染精牽蘿補屋在空谷畫成皆使人知名女年十五又二  
十畫得花枝好顏色老母先死弟兄繼父也龍鍾對之泣  
女身玉潔心蘭薰此時此心惟有親賣畫養親代子職朝

畫易米暮易薪白秋徂冬春及夏孝女爲親甘不嫁世上  
誰知處子賢古人豈在嬰兒亞太守按部行徐徐問孝女  
孝心嗟吁請之大府乞入告九重有詔旌其闕父年遲  
暮復衰疾孝女棲棲更銜恤生營營藥死殯葬都出雙鉤  
一枝筆孝女今年七十餘依然作畫分生枯此畫實與世  
人看不在顏色工臨摹昨來曾賦孝女花陽家剪綵嬌春  
華今來復見孝女畫南田花草潮流派蘭陵孝女吾所聞  
當年尙有尤與孫曉尤家軼事吾不悉孫氏有詩啼峽發  
至行從來有千古題詩還待輞軒取惠山之麓梁溪諸君  
不見唐孝女

蘭陵弔洪稚存先生

傳來消息淚闌珊老輩凋零衆所歎獨行早年傳夏統高  
名晚節重袁安不忘死友心期古曾勸諸王學術端從古  
忠臣須孝子授經風雪草堂寒

沽名何事說紛紛畢竟孤忠孰與羣生策治安惟賈誼死  
官諫議是劉蕡古人已往今誰匹王佐之才僅見君聞道  
至尊留乙覽少牢他日祀應聞

當日投荒絕域行龍沙秋雪馬蹄冰將軍竟欲誅房琯  
聖主先期赦李膺藏碧三年心已死賜環百日古誰能更  
生兩字愴懷甚迺首東華感不勝

東南作者於今盛力掃輕浮此大家直以高文繼曹植況  
聞博物竝張華龍門壇坫開青嶂馬帳生徒侍絳紗今日



蘭陵城外過碧雲古樹暮啼鴉

書隨園詩集後

花月江山筆一枝牧之心蹟似微之君生太早吾生晚惜  
未空山禮導師

抹倒韓蘇論太偏朝天一集或隨肩性靈兩字精微甚祇  
恐力圭誤後賢

憶舊遊寄梁溪楊農部用李白寄譙郡元參軍韻

憶昔作客登薊邱有時買醉天橋之酒樓狂歌擊筑不稱  
意搖筆色動西諸侯江表才人梁苑客愛我襟懷如曲道  
雲間之陸曰下荀兩賢相遇還相惜我憶西湖歌竹枝君  
懷鄉土亦相思暮相別朝相隨相隨相別鳳皇城玉河流

水碧迴縈城裏桃花城外明禁林百轉曉鶯聲千門萬戶  
各傾寫五侯七貴相逢迎玉真之仙人爲我吹瑤笙歸舟  
雲樹繡囊古鳴鳴鵝管學鸞鳴衛霍功高氣凌舉李趙相  
過樂歌舞瓊華仙島問妝臺一角蓬萊橫左股孔翠紛紛  
上赤霄飄飄茵潤墮花朝嬋媛先後綵雲遙余旣南行訪  
穎巢君亦攜家渡便橋昔君作宰值豺虎石堡烽煙起戎  
虜七日圍城半死生城上吹簫霜月苦慙盡關山歲月深  
燕昭臺上弔黃金十年長慶學元白舉世無人知我心走  
馬相從韋杜曲詩似長城人似玉華堂良夜擊鉢催雲裏  
帝城秋月綠意外袁江再見過團團素輝奈君何水天閒  
話銅街事嵩洛山川說翠娥更有長城邊月輝玉關人去

冷羅衣秋風不寄南樓字極目天涯旅雁飛廣陵秋雨重  
相遇太息蘭成枯樹賦芙蓉湖水九龍山無田寂寞空歸  
去姑蘇臺前一送君秦關蜀道久離羣秦時明月至今在  
照人涼夢何紛紛人亦不可見夢亦不可及昨過梁溪舊  
草堂屋梁落月空相憶

蕭娘湖

齊梁宮殿總荒基春水南陵又一時六代繁華銷不盡蕭  
娘湖上雨絲絲

雨夜題彭甘亭周忠武公墓紀事詩後

忠武墓在寧武城外半山乾隆五十年夏杪霖潦  
浹旬溪澗泛溢墓爲灰河水所傾土脈以裂甘亭

尊人方宰斯邑議築隄護之水猛工不克興一夕  
雷電交作水所經處忽墳起一山長三十餘丈高  
十餘丈蟠屈墓前若隄防然墓得無恙萬衆歎詫  
咸謂將軍之靈上其事於中丞某公捐三千金重  
葺祠宇並勒碑記焉甘亭集中有詩紀異因書其  
後

城頭聲緩統統鼓樓頭響急潏潏雨秋燈照影讀離騷異  
聞如見周忠武忠武當年備虎賁郎襄扼險守荆門同時  
功並曹文詔列鎮名齊孫應元尙書師潰全秦變詩續西  
來夜傳箭孝寬堅守玉壁城臨淮屢搏中潭戰初陷忻州  
繼代州一闕寧武據山頭烽煙遠震陽方口似火頻燔鎮

朔樓笛袖兜鍪集飛矢關門百戰將軍死一宋婦女盡英雄  
赤嫖怒鬱屯雲紫張許餘威勢莫當賊鋒也覺挫踉蹌  
重兵尙有三重險諸將寧無半段槍但使憑城肯持久都  
城定爲勤王守三關破竹九門開可憐繹絡降書走萬歲  
山前野火焚十三陵樹黯愁雲幾時石榴膝嬰墓畱得青  
山下壘墳百年宰木都成拱遺民爭說將軍塚故壘荒涼  
箭鏃埋荒祠慘澹弓刀動墓前環水接灰河積雨奔騰捲  
白波漸見譙山傾石碣幾同礮水囁前和中夜一峯移突  
兀山靈解護將軍骨冠軍塚本象祁連僕射山還墓突厥  
始知天意惜忠臣始識風雷別有神重勒穹碑蟠蟲窟更  
開隧道立麒麟墓門有客曾親見傳芭再拜牲醪薦大筆

能傳河岳心高文合補英雄傳重請謨觴第二碑陰風吹  
雨滿靈旗千秋石馬桃花色錦繡夫人別有祠甘亭集中  
有忠武配  
劉夫人  
廟碑

題卞敏畫蘭川彭甘亭韻

殘香如夢澗冰銷想見妝成彈燕翳寫罷春痕寫秋影銷  
魂月上海棠梢

花落亭皋怨舊恨渡江桃葉感朱門嬋媛大有靈均意一  
幅瀟湘染淚痕

羅袖人歸夢雨天尙餘殘墨出蒼煙梅邨樂府纏綿甚爾  
在龍華小劫前

附錄

鎮洋

彭兆蓀甘亭

粉印螺香一尺綃  
棗花簾下想垂髫  
如何便解靈修怨  
不寫東風豆蔻梢

關心阿姊說桃根  
曾著黃純入道門  
似替伊人寫秋照  
藕絲冠底潞眉痕

舊院風流話水天  
青溪執素半飛煙  
亭亭一朶秋花影

尙在恆河浩劫前

欽聖崇禎癸未中秋後一日計年十四五也

### 微雨

微雨江南夜  
孤舟獨臥人  
青綾寒入夢  
紅燭冷燒春  
江海思前事  
鶯花誤後塵  
瀟瀟聽不得  
水閣倦傷神

犀泉夢中誦牡丹詩有春風團扇撲闌干句謂是余詩余實未有此作也古人夢中得句者多矣若他

入夢者渺焉因足成之

何年彩筆寫明珎花葉題詩墨未乾  
夜月關屏擁簾幙春風團扇撲闌干  
三生慧業思前事一曲清平感墜歡  
惜未與君賦同夢瑤池消息問青鸞

書唐西平郡王李晟碑拓本後爲犀泉作

唐代兩忠武名世之豪英一爲郭汾陽一爲李西平汾陽  
旣卓犖西平尤盡誠威望藹吐蕃戰績先臨洛德廟初御  
世藩鎮方阻兵懷光反咸陽朱泚據神京李納與希烈虎  
視莫敢撓渭橋一旅師大敵相支撐外無轉輸助內無貨  
帛盈忠義激士氣抗此數敵勅休顏率奉天遊環治邠寧  
神策七盤屯華州潼關營威來秉節度僕射若父兄涇原



十萬賊雄據長安城陣雲壓殿陛殺氣腥宮庭何異軋聲  
由犬豕羅公卿大兵薄苑牆拔柵驅糜糜剝賊雖獷悍王  
師尤猙獰昔聞令公來迴紇亟請盟今聞相公來逆黨走  
若蹙寢園旣修謁宮禁亦肅清廟貌竝如故市肆皆無驚  
露布告中外中外昭皇靈羣臣稱萬歲行在勝歡聲三橋  
戎服謁萬衆傾城迎天生爲社稷帝語褒忠貞何異望春  
樓郊勞遲前旌爲卿建甲第綽楔輝雕甍爲卿立五廟垂  
恩建宗祊爲卿紀豐功龍文婉韶韻爲卿圖凌煙劍佩影  
華纓生有丹詔褒沒有豐碑銘此碑裴相謨大筆書崢嶸  
高陵原上石蟲鳳橫庚庚豈獨尙父賢國史書恩榮忠孝  
本貽謀諸子皆國楨後來淮西碑臣慙垂令名

頤道堂詩選卷六

頤道堂詩選卷六